

## Transkription von Urkunde PRE 1388b

Ort, Datierung: Prenzlau, 1388-08-23

Signatur: Brandenburgisches Landeshauptarchiv in Potsdam, 8 Prenzlau U 137 A [\[online\]](#)

Inhalt: Ortwyn Lantscriuer, Lippolt van Bredov: Pachterklärung

Voralle(n) c(r)isten luden di dess(e)n briff syn eder hore(n) lesen beke(n)ne wi her ortwyn lantscriuer her lippolt van / bredov her wnbov? offe va(n) slywen heni(n)gh kru(m)me(n)ze vn(de)hans clutzow vn(de)bvtuge(n) ope(n)bar in dess(e)n / briue dat wi gelouet hebb(e)n vn(de) loue(n) in dess(e)n briue met sam(e)nder hant va(n) vnsis herr(en) weg(hen) / des markg(ra)ue(n) den vorsichtige(n) lude(n) den ratma(n)ne(n) der stat tu p(re)ntzslaw vor twe hu(n)derd schok guder / bemischen g(ro)schen va(n) gewy(n)ne di scole wi vn(de) wille(n) em betal(e)n vp dess(e)n negest(e)n su(n)te mert(e)rs dach / met roden g(ro)schen bi(n)nen? p(re)ntzslaw sunder allerleye vortoch vn(de) hinder werz dat wi des niht / en deden welken staden edder koste di redelik is si na deme dage dar v(m)me neme(n) edder dun des / schoe wi vn(de) willen em beneme(n) like dem houetstule? dat loue wi entruwe(n) tu holden sunder aller/leye arghe list vnde hulperede met orkunde dessis briues vorsegilt met vnsirn jngesegilen di mit / vnsir(n) witscap vn(de) wulbord an dessen briff sint gehangen na godes gebord dusent iar dri hundert / iar an deme achte vn(de) achtetytisten iare in sunte bartolome(us) mende? des hyligen apostol

Vorall(e)n c(re)sten luden di dess(e)n briff syn . eder hore(n) lesen Beke(n)ne wi her ortwyn lantscryuer her lippolt van / bredov her ian wubor ? offte va(n) slywen he(n)ni(n)gh kru(m)me(n)ze vn(de) hans clutzow vn(de) bvtuge(n) ope(n)bar in dess(e)n / briue dat wi gelauet hebb(e)n vn(de) loue(n) in dess(e)n briue mit ener sam(e)nden hant va(n) vnsis here(n) wege(n) / des markg(re)ue(n)<sup>1</sup> den vorsichtige(n) lude(n) den Ratma(n)ne(n) der stat tu p(re)mtzlaw vor twe hu(n)derd schok guder / bemyschen g(ro)schen va(n) gewy(n)ne di scole wi vn(de) will(e)n em betal(e)n vp dess(e)n negest(e)n su(n)te merte(n)s dach / mit reden g(ro)sch(e)n bi(n)nen p(re)mtzlaw sunder allerleye vortoch vn(de) hiner werz dat wie des nicht / en deden welken scaden edder koste di redelik is si na deme dage dar v(m)me neme(n) edder dun des / schole wi vn(de) willen em beneme(n) like dem houetstule dit loue wi entruwe(n) to holden sunder aller/leye arghe list vnde hulperede Met orkunde dessis briues vorsegelt met vnsirn . Jngesegilen di mit / vnsir(er) witscap vn(de) wulbord an dessen briff sint gehangen Na godis gebord dusent iar dri hunde(r)t / iar an deme achte vn(de) achte(n)tyesten iare in sunte bartolome(us) auende des hyligen apostol

---

<sup>1</sup> e als Abbreuiatur für re